

文

章

類

選



卅七卷下

問對
曲標

周書曰若作梓材既勤樸斲惟其塗丹矱此言為
國家者必先實而後文也夫安國家利百姓仁之
實也保基緒傳子孫孝之實也辨貴賤立綱紀禮
之實也和上下親遠邇樂之實也決是非明好惡
政之實也詰姦邪禁暴亂刑之實也察言行試政
事求賢之實也量材能課功狀審官之實也詢安
危訪治亂納諫之實也選勇果智戰鬪治兵之實
也實之不存雖文之盛美無益也臣切見方今遠
方窮民轉死溝壑而屢赦有罪循門散錢其於仁
也不亦遠乎本根不固有識寒心而道官佛廟修
廣御容其於孝也不亦遠乎統紀不明祭器紊亂
而雕續文物修飾容貌其於禮也不亦遠乎群心
乖戾元元怨苦而斷竹數黍敲叩古器其於樂也
不亦遠乎是非錯繆賢不肖渾殺而鈞校簿書訪

尋七例其於政也不亦遠乎姦暴不誅寃結不理而拘沈微文糾摘細過矣於刑也不亦遠乎行能之士泥淪草野而考核文辭指決聲病其於求賢不亦遠乎材任相違職業廢弛而檢勘出身比類資序其於審官不亦遠乎久大之謀弃而不省淺近之言應時施行其於納諫不亦遠乎將帥不良士卒不精而廣聚虛數徒取外觀其於治兵不亦遠乎凡此十者皆文具而實亡本失而末亡譬猶膠板爲舟搏牛爲揖敗布爲帆持索爲維盡以丹青本以文綉便偶入駕之而履其上以之居平陸則煥然信可觀矣若以之涉江河犯風濤豈不危哉伏望陛下撥去浮文悉敦本實選任良吏以子惠庶民深謀遠慮以保安宗廟張布綱紀使下無覩心和厚風俗使人無離怨別白是非使萬事得

正誅鋤姦惡使威令必行取有益罷無用使野無遺賢進有功退不職使朝無曠官察讜言考得失使謀無不盡擇智將練勇士使征無不服如是則國家安若泰山而四維之也又何必以文采之飾歌頌之聲眩耀愚俗之耳目哉

言語類

至言

賈山

臣聞爲人臣者盡忠竭愚以直諫主不避死亡之誅者臣山是也臣不敢以久遠諭願借秦以爲諭唯陛下少加意焉夫布衣韋帶之士脩身於內成名於外而使後世不絕息至秦則不然貴爲天子富有天下賦歛重數百姓任罷赭衣半道羣盜滿山使天下之人戴目而視傾耳而

聽一夫大譁天下嚮應者陳勝是也秦非徒如此也起咸陽而西至雍離宮三百鍾鼓帷帳不移而具又爲阿房之殿殿高數十仞東西五里南址千步從車羅騎四馬驚馳旌旗不撓爲宮室之麗至於此使其後世曾不得聚廬而託處焉爲馳道於天下東窮燕齊南極吳楚江湖之上瀕海之觀畢至道廣五十步三丈而樹厚築其外隱以金推樹以青松爲馳道之麗至於此使其後世曾不得邪徑而託足焉死葬乎驪山吏徒數十萬人曠日十年不徹三泉合米金石治銅錮其內泰塗其外被以珠玉所以翡翠中成觀游上成山林爲葬葬之侈至於此使其後世曾不得蓬顆蔽冢而託葬焉秦以熊罴之力虎狼之心蠶食諸侯并吞海內而不篤禮義故

天殃已加矣臣昧死以聞願陛下少留意而詳擇其中臣聞忠臣之事君也言切直則不用而身危不切直則不可以明道故切直之言明主所欲急聞忠臣之所以蒙死而竭知也地之磽者雖有善種不能生焉江皋河瀕雖有惡種無不猥大昔者夏商之季世雖關龍逢箕子比干之賢身死亡而道不用文王之時豪俊之士皆得竭其智芻蕘採薪之人皆得盡其力此周之所以興也故地之美者善養禾君之仁者善養士雷霆之所擊無不摧折者萬鈞之所壓無不糜滅者令人主之威非特雷霆也執重非特萬鈞也開道而求諫和顏色而受之用其言而顯其身士猶恐懼而不敢自盡又矧况於縱欲恣行暴虐惡聞其過乎震之以威壓之以重則雖有堯舜之智孟賁之勇豈有不摧折者哉如此則人主不得聞其過失矣

弗聞則社稷危矣古者聖王之制史在前書過失工
誦箴諫瞽誦詩諫公卿比諫士傳言諫過庶人謗於
道商旅議於市然後君得聞其過失也聞其過失而
改之見義而從之所以永有天下也天子之尊四海
之內其義莫不爲臣然而養三老於太學親執醬而
餽執爵而酌祝餽在前祝鯁在後公卿奉杖大夫進
履舉賢以自輔弼求脩正之士使直諫故以天子之
尊尊養三老視孝也立輔弼之臣者恐驕也置直諫
之士者恐不得聞其過也學問至於芻蕘者求善無
廢也商人庶人誹謗已而改之從善無不聽也昔者
秦政力并萬國富有天下破六國以爲郡縣築長城
以爲關塞秦地之固大小之執輕重之權其與一家
之富一夫之彊胡可勝計也然而兵破於陳涉地奪
於劉氏者何也秦王貪狼暴重殘賊天下窮困萬民

羣臣莫敢不心身脩行盡心以稱大禮如此則陛下
之道尊敬功業施於四海垂於萬世子孫矣誠不如
此則行日壞而榮日滅矣夫士脩之於家而壞之於
天子之廷臣竊愍之陛下與衆臣宴遊與大臣方正
朝廷論議夫游不失樂朝不失禮議不失計執事之
大者也

罪言

杜牧

生人常病兵兵祖於山東羨於天下不得山東兵不
可死山東之地禹畫九土一曰冀州舜以其分太大
離爲幽州爲并州程其水土與河南等常重十一二
故其人沈鷲多材力重許可能辛者自魏晉已下胤
淳羨淫工機織雜意態百出俗益卑弊人亦脆弱唯
山東敦五種本兵矢他不能蕩而自若也復產健馬
下者日馳二百里所以兵常當天

不循理莫其必破弱雖已破莫其復強大也并州力
足以并吞也幽州幽陰慘殺也故聖人因其風俗以
爲之名黃帝時蚩尤爲兵階自後帝王多居其地豈
尚其俗都之邪自周勞齊霸不一世晉太常傭役諸
侯至秦萃銳三晉經六世乃能得韓遂折天下脊復
得趙因拾取諸國秦未韓信聯齊有之故蒯通知漢
楚輕重在信光武始於上谷成於鄆魏武舉官渡三
分天下有其二晉亂胡作至宋武號爲英雄得蜀行
關中盡得河南地十分天下有八然不能使一人渡
河以窺胡至于高齊荒蕩宇文取得隋文因以威矣
五百年間天下乃一家隋文非宋武敵也是宋不得
山東隋得山東故隋爲王宋爲霸由此言之山東三
者不得不可爲王霸者不得不可爲霸猾賊得之是
以致天下不安國家天寶末燕盜徐起出入成臯

潼關若涉無人地郭李輩常以兵五十萬不能過新
自爾一百餘城天下力盡不得尺寸人望之若迴鶻
吐蕃義無有敢窺者國家因之畦河脩障戍塞其術
蹊齊魯梁蔡被其風流因亦爲寇以裏拓表以表撐
裏混頰廻轉顛倒橫斜未嘗五年間不戰生人日頰
萎四夷日昌熾天子因之幸陝幸漢中焦焦然七十
餘年矣嗚呼運遭孝武瀚衣一肉不畷不樂自卑冗
中拔取將相凡十三年乃能盡得河南山西地洗削
更革罔不順適唯山東不服亦再攻之皆不利以返
豈天使生人未至於帖秦耶豈其人謀未至耶何其
艱哉何其艱哉今日天子聖明超出古昔志於平治
若欲悉使生人無事其要在先去兵不得山東兵不
可去是兵殺人無有已也今者上策莫如自治何者
當貞元時山東有燕趙魏叛河南有齊蔡叛梁徐陳

汝白馬津盟津襄鄧安美壽春皆成厚兵凡此十餘
所繞足自護治所資不輟一人以他使遂使我力解
勢弛熟視不軌者無可奈何階此蜀亦叛吳亦叛其
他未叛者皆迎時上下不可保信自元和初至今二
十九年間得蜀得吳得蔡得齊凡收郡縣二百餘城
所未能得唯山東百城耳土地人戶財物甲兵技之
往年豈不綽綽乎亦足自以爲治也法令制度品式
條章果自治乎賢才姦惡搜選置捨果自治乎障戍
鎮守干戈車馬果自治乎井閭阡陌倉廩財賦果自
治乎如不果自治是助虜爲虐環土三千里植根七
十年復有天下陰爲之助則安可以取故曰上策莫
如自治中策莫如取魏魏於山東最重於河南亦最
重何者魏在山東以其能遮趙也既不可越魏以取
趙固不可越趙以取燕是燕趙常取重於魏魏常操

燕趙之性命也故魏在山東最重於陽距白馬津三
十里新鄉距盟津一百五十里俾壘相望朝駕暮戰
是二津虜能潰一則馳入成臯不數日間故魏於河
南間亦最重今者願以近事明之元和中纂天下兵
誅蔡誅齊頓之五年無山東憂者以能得魏也昨日
誅滄頰之三年無山東憂者亦以能得魏也長慶初
誅趙一日五諸侯兵四出潰解以失魏也昨日誅趙
一日罷如長慶時亦以失魏也故河南山東之輕重
常懸在魏明日可知也非魏強大能致如此地形使
然也故曰取魏爲中策最下策爲浪戰不計地勢不
審攻守是也兵多粟多敵人使戰者便於守兵少粟
少人不敵自戰者便於戰故我常失於戰虜常困於
守山東之人叛且三五世矣今之後生所見言語舉
止無非叛也以爲事理正當如此沈酣入骨髓無以

為非者指示順向誠侵族商語曰叛去酋酋起矣至於有圍急食盡餒死以戰以此為俗豈可與決一勝一負哉自十餘年來凡三收趙食盡且下堯山敗趙役振下博敗趙復振館陶敗趙復振故不計地勢不審攻守為浪戰最下策也

拜嶽言

陳黯

黯自關東隨計來闕下經華嶽祠有巫導以祈謁廼徹蓋整衣馨爐瀝觴頌拜而前緘然而退巫曰客是行也務名耶官耶胡為乎有祈禮而無祈詞神之於蠻而荅盍舒乃誠曰余其來拜以嶽長群山猶人之有聖賢草木之有松蘭百川之有河海鱗羽之有虬鸞屹屹崇崇干霄柱空載國祀典宜人攸宗拜之思盡乎余之敬詞之黯懼乎神之聰且神視果高而聽不深必福其善而禍其淫余行合乎神也必照而臨

如欺乎神也祈之乎何心巫為余言无妄為為妄言者之箴

治家子言

陸龜蒙

武王既伐殷懸紂首有泣於白旗之下者有司責之其人曰吾治家孫也數十年間載易其鎔範矣今又將易之不知其所業故泣吾祖始鑄田器歲東作必大售殷賦重秉耒耜者一撥不敢起吾父易之為工器屬宮室臺榭侈其售益倍民凋力窮土木中輟吾易之以為兵器會諸侯伐殷師旅戰陣其售又倍前也今周用鉞斬獨夫四海將奉文理吾之業必壞吾亡無日矣武王聞之懼於是苞干戈觀農事治家子復祖之舊

齊處士言

袁皓

齊祖受宋禪大宴卿士顧謂丞相曰予不肖幸有天

下非百執事羽翼小子共殺宋人之溺也然予不敢
易時而悔器使不逾載致黃金與土同價朝臣稱賀
內外誼懽快喜相聲日走天下齊封父聞而慶曰宋
人生矣而告鄉處士處士聞而泣曰捨虎逢狼改時
而亡吾爲宋人幸未死果逢炭於齊矣新主之言豈
成聖人之道耶君王知黃金貴於土不知百姓視土
貴於黃金吾聞古者土地之封在於民阜而國殷土
有林木民時而取土有鹹澹民時而煮土有禾黍民
時盈庚金玉在山桑麻在原聖人不禁無私無官死
者有土生者有田聖人樂而百姓曰百姓憂而聖人
然秦傳亂國之疾百姓之苦莫痊漢壞既廣百姓饒
矣土地之利百姓莫時而窺之金玉在山鹹澹在田
取塊土者犯禁而死生無土而可以田殺無土而及
乎泉生則稅蠹而郡蠶邑剋而吏鬻吾視宋人之洋

以適其欲也昔者周蓋千八百國以九州之民養千
八百國之君用民之力不過歲二日什一而籍君有
餘財民有餘力而頌聲作秦皇帝以千八百國之民
自養力罷不能勝其役財盡不能勝其求君之身
耳所以自養者馳騁弋獵之娛天下弗能供也勞罷
者不得休息飢寒者不得衣食亡罪而死刑者無所
告訴人與之爲怨家與之爲讎故天下壞也秦皇帝
身在之時天下已壞矣而弗自知也秦皇帝東巡狩
至會稽琅琊刻石著其功自以爲過堯舜統縣石鑄
鍾虜節土築阿房之宮自以爲萬世有天下也古者
聖王作謚三四十世耳雖堯舜禹湯文武紂世廣德
以爲子孫基業無過二三十世者也秦皇帝曰死而
以謚法是父子名號有時相襲也以一至萬則世世
不相復也故死而號曰始皇帝其次曰二世皇帝者

欲以一至萬也秦皇帝計其功德度其後嗣世世無窮然身死纔數月耳天下四面而攻之宗廟滅絕矣秦皇帝居滅絕之中而不自知者何也天下莫敢告也其所以莫敢告者何也亡養老之義亡輔弼之臣亡進諫之士縱恣行誅退誹謗之人殺直諫之士是以道諛媮合苟容比其德則賢於堯舜課其功則賢於湯武天下已潰而莫之告也詩曰匪言不能胡此畏忌聽言則對諾言則退此之謂也又曰濟濟多士文王以寧天下未嘗亡士也然而文王獨言以寧者何也文王好仁則仁興好禮則禮興而敬之則士用用之有禮義故不致其愛敬則不能盡其心不能盡其心則不能盡其力不能盡其力則不能成其功故古之賢君於其臣也尊其爵祿而親之疾則臨視之亡數死則往弔哭之臨其小歛大歛已棺塗而後爲之服

衰麻經而三臨其喪未歛不飲酒食肉未葬不舉樂當宗廟之祭而死爲之廢樂故古之君人者於其臣也可謂盡禮矣服法服端容貌顏色然後見之故臣下莫敢不竭力盡死以報其上功德立於後世而今聞不忘也今陛下念思祖考術追厥功圖所以昭光洪業休德使天下舉賢良方正之士天下皆訢訢焉曰將與堯舜之道三王之功矣天下士莫不精白以承休德今方正之士皆在朝廷矣又選其賢者使爲常侍諸吏與之馳馭射獵一日再三出臣恐朝廷之解弛百官之墮於事也諸侯聞之又必怠於政矣陛下即位親自勉以厚天下損食膳不聽樂減外搖衛卒止歲貢省廐馬以賦縣傳去諸苑以賦農夫出帛十萬餘匹以振貧民禮高年九十者一子不事八十者二算不事賜天下男子爵大臣皆至公卿發御府

金賜大臣宗族亡不被澤者赦罪人憐其亡髮賜之
中憐其衣褚書其皆父子兄弟相見也而賜之衣平
獄緩刑天下莫不說喜是以元年膏雨降五穀登此
天之所以相陛下也刑輕於它時而犯法者寡衣食
多於前年而盜賊少此天下之所以順陛下也臣聞
山東吏布詔令民雖老羸瘡疾扶杖而往聽之願少
頌父母死思見德化之成也今功業方就名聞方昭
四方鄉風令從豪俊之臣方正之士直與之日日獵
射擊兔伐狐以傷大業絕天下之望臣竊悼之詩曰
靡不有初鮮克有終臣不勝大願願少衰射獵以夏
歲二月定明堂造太學脩先王之道風行俗成萬世
之基定然後唯陛下所幸耳古者大臣不媒故君子
不常見其齊嚴之色肅敬之容大臣不得與宴遊方
正脩潔之士不得從射獵使皆務其方以高其節則

矣矣未見宋人有寸土者君王苟欲致民於生地不
若薄民之賦貽民之利知百姓貴土於黃金則其民
受福於齊矢封父敬而謝曰吾將聞執政者可乎處
士曰否是欲急挈吾於禍矣惟父勿施吾將狂

設毛延壽自解語

程晏

帝見王嬙美召延壽責之曰君欺我之甚也延壽曰
臣以為宮中美者可以亂人之國臣欲宮中之美者
遷於胡庭是臣使亂國之物不逞於漢而移於胡也
昔閔天獻美女於紂而免西伯齊遺文樂於魯而孔
子行秦遺女樂於戎而間由余是豈曰選其惡者遺
之美者留之耶陛下以為美者是能亂陛下之德也
臣欲去之將靜我而亂彼陛下不以為美者是不能
亂我之德安能亂彼謀哉臣聞太上無亂其次去亂
其次遷亂今國家不能無亂陛下不能去亂臣為陛

下遷亂耳惡可以為美為彼得乎帝不能省君子曰
良畫工也孰誣其貨哉

錄野史語

孫固

成寅莫春孫子與友人至某縣某驛見壁上幅紙榜
曰勸農文就讀之約三百許字丁寧諄切大率勸民
早輸官了租稅友人大駭曰此非勸農文乃催科文
也余未及應有野叟霜髯赭貌藤冠藜杖漚而過曰
予不識字為我誦之既而曰子矣駭歎催科文遍天
下也農曹文移則催科外臺奉行則催科督郵下縣
則催科縣胥下鄉則催科朝出廳事據案顧盼非催
科不視也吏見驚駭行鉗摘紙尾非催科不書也繫繫
半道身無完膚問之則曰催科未足者也黥胥魁吏
擁蓋策肥問之則曰催科力者也至於閭閻之
疾苦獄

訟之寃濫不暇察也問之則曰疾苦寃濫不察不害
也不善催科健且立至故善催科者雖黷暴而獲上
官之譽以為彼強敏人也有才幹人也大則刻薦次
乃舉廉吏次亦不失善罪不善催科者雖廉平而貶
上官之怒以為彼懦者也不能事者也大者奏斥次
乃撤追次亦時被責問必供折承聽乃已意嚮如此
雖欲不催科得乎催科文所以遍天下也先期趣辦
已納游追獨閣詔令掛在墻壁月輸集矣叛帳是矣
供具張樂銜盃相賀然酒行未終督郵已至則官吏
無人色而敲朴囂呼之聲震庭下矣誠若此何暇勸
農雖然循故事也天子命太守縣令以勸農為職不
以催科係銜也於是擇近郊之名勝地有茂林清瀾
崇岫秀野可快心娛目之所每歲仲春帥其屬造高
揚旌旆鳴鈺鼓陳帳帟羅俎豆鳴拊以召其房之父

老既至命吏讀友一篇以諭之且徧揭於鄰鄙里閭
問曰此勸農文也吁勸農如是乎吾聞古者省耕補
不足也省畝助不給也勞耒勸相察勤惰而賞罰也
矧民田皆上所給然後勸課之法行自井田化爲阡
陌千六百餘年矣民自爲生官不恤也有田者不自
耕欲耕者又無田矣勸哉不足者不補不給者不助
惰農者無罰力田者無爵矣勸哉且力田旣不必勸
無田者雖勸無益庸人孺子知其然也然所在勸農
未嘗無文也或聾牙其辭或平易其說歲而新之不
相襲也嗚呼可謂工矣而吾小人讀之不識其字聽
之不解其義憤憤然也予以爲古人養民之政百不
一存而此勸農故事相仍不廢獨何歟固爲催科也
然則吾邦君之文不亦切於事情也哉而又美駭
余問野叟姓名不對而去意其隱君子也爲記其語

曲操類

鐃歌鼓吹曲十二篇

柳宗元

負罪臣宗元言臣幸以罪居永州受食府廩竊活性
命得視息無治時事恐懼小閒又盜取古書文句聊
以自娛伏觀漢魏以來代有鐃歌鼓吹詞唯唐獨無
有臣爲卽時以太常禮部嘗聞鼓吹署有戎樂詞
獨不列今又考漢曲十二篇魏曲十四篇晉曲十六
篇漢歌詞不明紀功德魏晉歌功德具今臣竊取魏
晉義用漢篇數爲唐鐃歌鼓吹曲十二篇紀高祖太
宗功能之神奇因以知取天下之勤勞命將用師之
艱難每有戎事治兵振旅幸歌臣詞以爲容且得大
戒宜敬而不害臣淪棄卽死言與不言其罪等耳猶
冀能言有益國事不敢效怨懟默已謹冒死上
隋亂旣極唐師起晉陽平茲豪爲生人義主以仁興

武爲晉陽武第一

晉陽武奮義威揚之渝德焉歸氓畢屠綏者誰皇烈
烈專天機號以仁揚其旗日之昇九土晞訴田圻流
洪輝有其二翼餘隋新梟驚連熊螭枯以肉勅者羸
后土蕩玄宮彌合之育莽然施惟德輔慶無期

右晉陽武二十六句

唐既受命李密自敗來歸以開黎陽在東土爲獸之

窮第二

獸之窮奔大麓天厚黃德祖獲服甲之橐弓弭矢簞
皇旅靖敵逾自二其徒匪予戮屈臂猛虔慄慄縻
以尺組噉以糝黎之陽土茫茫富兵戎盈倉箱之者
德莫能享驅豺兕授我疆

右獸之窮二十二句

太宗師討王世充定京力之師大之武牢下擒之遂

降充爲戰武牢第三

戰武牢動河朔逆之助圖犄角怒馘麝抗喬嶽翹萌
芽傲霜電王謀內定申掌握鋪施交夷二主縛憚華
戎廓封畧命之魯卑以斲歸有德唯先覺

右戰武牢十八句

薛舉據涇以死子仁果尤勇以暴師平之爲涇水

黃第四

涇水黃隴野茫負太白騰天狼有鳥鷲立羽翼張鉤
喙決前鉅趯傍怒飛飢嘯翔不可當老雄死子復良
巢歧飲渭肆翱翔頓地絃提天網列缺掉幟招搖耀
銜鬼神來助夢嘉祥腦塗原野魄飛揚星辰復恢一
方

右涇水黃二十四句

輔氏憑江淮竟東海命將平之爲奔鯨沛第五

奔鯨沛蕩海垠吐霓翳日腥浮雲帝怒下顧哀墊昏
投以神柄推元臣手援天矛截脩鱗披攘蒙霧開海
門地平水靜浮天根羲和顯耀乘清氛赫炎溥暢融
大鈞

右奔鯨沛十八句

梁之餘保荆衡巴巫窮南越良將取之不以師爲

苞拊第六

苞拊黜矣惟根之蟠彌巴蔽荆負南極以安曰我舊
梁氏緝綏艱難江漢之阻都邑固以完聖人作神武
用有臣勇智奮不以衆投跡死地謀猷縱化敵爲家
慮則中浩浩海裔不威而同係縲降王定厥功澶漫
萬里宣唐風蠻夷九譯咸來從凱還金奏象形容震
赫萬國固不龔

右苞拊二十八句

李執保河右師臨之不克變或執以降爲河右平

第七

河右澶漫頑爲之魁王師如雷震崑崙以類上聾下
聰驚不可迴助雖抗有一心惟人之災乃潰乃奮執縛
歸厥命萬室蒙其仁一夫則病濡以鴻澤皇之聖威
畏德懷功以定順之于理物咸遂厥性

右河右平十八句

突厥之大古夷狄莫強焉師大破之降其國告于

廟爲鐵山碑第八

鐵山碑大漢舒二虜勁連穹廬背北海專坤隅歲來
侵遠或傳于都天子命元師奮其雄圖破定襄降魁
渠窮竟窟宅乍余吾百蠻破膽邊氓蘇威武輝耀明
鬼區利澤彌萬祀功不可踰富臣拜手惟帝之墓

右鐵山碑二十二句

劉武周敗裴寂咸有晉地太宗滅之為靖本邦第九

本邦伊晉惟時不靖根柢之搖枝葉攸病守臣不任勤于神聖惟鉞之興翦焉則定洪惟我理式和以敬奉頌既夷庶績成正皇暮載大惟人之慶

右靖本邦十四句

李靖滅吐谷渾西海上為吐谷渾第十

吐谷渾盛強背西海以夸歲侵擾我疆退匿險且遼帝謂神武師往征靖皇家烈烈旆其旗熊虎雜龍蛇王旅千萬人衝枚然無譁東力踰山嶽張翼縱漠沙一舉刈煙腥尸骸積如麻除惡務本根况敢遺萌芽洋洋西海水厥命窮天涯係虜來王都犒樂窮休嘉登高望遠師竟野如春華行者靡不歸親戚謹要遮旋獻清廟萬國思無邪

右吐谷渾二十六句

李靖滅高昌為高昌第十一

麴氏雄西北別絕臣外區既恃遠且險縱傲不我虞烈烈王者師熊螭以為徒龍旂翻海浪駟騎馳坤隅賁育搏嬰兒一掃不復餘平沙際天極但見黃雲驅臣靖執長纓智勇伏囚拘文皇南面坐夷狄千羣趨咸稱天子神往古不得俱獻號天可汗以覆我國都兵戍不交害各保性與軀

右高昌二十二句

既克東蠻羣臣請圖蠻夷狀如周書王會為東蠻

第十二

東蠻有謝氏冠帶理海中自言我異世雖聖莫能通王卒如飛翰鷗鴛駭羣龍轟然自天墜乃信神武功繫虜君臣人累累來自東無思不服從唐業如山崇

百辟拜稽首咸願圖形容如周王會書永永傳無窮
睚眦萬狀率啣喙九譯重慶輪撫四海浩浩知皇風
歌詩鏡鼓間以壯我元戎

右東鑾二十二句

琴操十首

韓愈

秋之水兮其色幽幽我將濟兮不得其由涉其淺兮
石齧我足乘其深兮龍入我舟我濟而悔兮將安歸
乎歸乎無與石鬪兮無應龍求

右將歸操

蘭之猗猗揚揚其香不採而佩於蘭何傷今天之旋
其曷為然我行四方以日以年雪霜質質薺麥之茂
子如不傷我不爾觀薺麥之茂薺麥之有君子之傷
君子之守

右猗蘭操

龜之氣兮不能為雨龜之拊兮不中梁柱龜之大兮祇
以奄魯知將隳兮京莫予伍周公有鬼兮嗟歸子輔

右龜山操

雨之施物以孳我何意於彼為自周之先其艱其勤
以有疆宇私我後人我祖在上四方在下厥臨孔威
敢戲以侮孰荒于門孰治于田四海既均越裳是臣

右越裳操

窈揜揜兮其疑其盲耳肅肅兮聽不聞聲朝不日出
兮夜不見月與星有知無知兮為死為生嗚呼臣罪
當誅兮天王聖明

右拘幽操

我幽子家自我先公伊我承序敢有不同今狄之人
將土我疆民為我戰誰使死傷彼岐有咀我往獨處
莫爾予追無思我悲

右岐山操

父兮兒哀母兮兒飢兒罪當笞逐兒何為兒在中野
以宿以處四無人聲誰與兒語兒寒何衣兒飢何食
兒行于野履霜以足母生衆兒有母憐之獨無母憐
母寧不悲

右履霜操

雉之飛于朝日群雌孤雄意氣橫出當東而西當啄
而飛隨飛隨啄群雌粥粥嗟我雖人曾不如彼雉雞
生身七十年無一妾與妃

右雉朝飛操

雄鵠銜枝來雌鵠啄泥歸巢成不生子大義當乖離
江漢水之大鵠身鳥之微更無相逢日且可相隨飛

右別鵠操

有獸維狸兮我夢得之其身孔明兮而頭不知吉凶

何為兮覺生而思死咸上天兮識者其誰

右殘形操

樂章類

補樂歌十篇并序

元結

自伏羲氏至於殷室凡十代樂歌有其名亡其辭考
之傳記其義或存焉嗚呼樂聲自太古始百世之後
盡亡古音嗚呼樂歌自太古始百世之後遂亡古辭
今國家追復純古列祀往帝歲時薦享列必作樂而
無雲門咸池韶夏之聲故採其名義以補之誠不足
全化金石反正宮羽而或存之猶乙乙冥冥者純古
之聲豈幾乎司樂君子導和焉爾凡十篇二十章各
引其義以序之命曰補樂歌

網罟伏羲氏之樂歌也其義蓋稱伏羲能易人取禽
獸之勞

吾人善兮水深深網罟設兮水不深吾人善兮山幽
幽網罟設兮山不幽

右網罟二章章四句

豐年神農之樂歌也其義蓋稱神農教人種植之功
猗太帝兮其智如神分草實兮濟我生人猗太帝兮
其功如天均四時兮成我豐年

右豐年二章章四句

雲門軒轅氏之樂歌也其義蓋言雲之出潤益萬物
如帝之德無所不施

玄雲溶溶兮垂雨濛濛類我聖澤兮涵濡不窮黃雲
漠漠兮合映逾光邈我聖德兮溥溥無方

右雲門二章章四句

九淵少昊氏之樂歌也其義蓋稱少昊之德淵然
聖德至深兮濼濼如淵生類娛娛兮孰知其然

右九淵一章四句

五莖顓頊氏之樂歌也其義蓋稱顓頊得五德之
植植萬物兮脩脩根莖五德涵柔兮颯颯而生其如
何兮抽抽天下皆自我君兮化成

右五莖一章七句

六英高辛氏之樂歌也其義蓋稱帝嘗能總六合之
英華

我有金石兮擊拊淙淙與汝歌舞兮上帝之風由六
合兮英華颯颯我有絲竹兮韻和泠泠與汝歌舞兮
上帝之聲由六合兮根抵羸羸

右六英二章章六句

咸池陶唐氏之樂歌也其義蓋稱堯德至大無不備
元化油油兮孰知其然至德汨汨兮順之以先元化
混混兮孰知其然至道泱泱兮由之以全

右咸池二章章四句

大韶有虞氏之樂歌也其義蓋稱帝舜能紹先聖德
森森群象兮日見生成欲聞朕初兮玄封冥冥洋洋
至化兮日見深柔欲聞涵濩兮大淵油油

右大韶二章章四句

大夏有夏氏之樂歌也其義蓋稱禹治水其功能大
中國

茫茫下土兮乃生九州山有長岑兮川有深流茫茫
下土兮乃均四方國有民人兮野有封疆茫茫下土
兮乃歌萬年上有茂功兮下戴仁天

右大夏三章章四句

大護有殷氏之樂歌也其義蓋稱湯救天下護然得所
萬姓苦兮怨且哭不有聖人兮誰護育聖人生兮天
下和萬物熙熙兮舞且歌

右大護二章章四句

補九夏歌系文九篇并序

皮日休

周禮鍾師掌金奏九樂事以鍾鼓奏九夏按鄭康成
注云夏者大也樂之大者歌有九也九夏者皆詩篇
銘頌之類也此歌之大者載在乎樂章樂崩亦從而
亡是以頌不能具也嗚呼吾觀之魯頌其古也亦以
久矣九夏亡者吾能頌乎夫大樂既去至音不嗣頌
於古不足以補亡頌於今不足以入用庸何頌乎頌
之亡者俾千古之下鄭衛之內窈窕冥冥不獨有大
卷之音者乎

王夏之歌者王出入之所奏也

燿燿皎日欵麗于天厥明御舒如王出焉燿燿皎日
欵入于地厥晦厥貞如王入焉出有龍旂入有珩珮
勿駢勿馳惟慎惟戒出有嘉謀入有內則繫彼臣庶

欽王之式

王夏四章章四句

肆夏之歌者尸出入之所奏也

悃悃清廟儀儀衣服我尸出矣迎神之穀杳杳陰竹坎坎路鼓我尸入矣得神之祐

肆夏二章章四句

昭夏之歌者牲出入之所奏也

有鬱其鬯有儼其彝九變未作全乘來之既醑既酢爰陳爰舞象物既降全乘之去

昭夏二章章四句

納夏之歌者四方賓客來之所奏也

麟之儀儀不繫不維樂德而至如賓之嬉鳳之愉愉不簞不斂樂德而至如賓之娛自筐及篚我有牢醑自筐及篚我有貨幣我牢不愆我貨不匱碩碩其才

有樂而止

納夏四章章四句

章夏之歌者臣有功之所奏也

王有虎臣錫之鈇鉞征彼不悖一撲而滅王有虎臣錫之圭璜征彼不享一烘而泮王有掌封遠爾疆理王有掌客饋爾饗餼何以樂之金石九奏何以賜之龍旂九旒

章夏四章章四句

齊夏之歌者夫人祭之所奏也

璽璽衡筭翬翬綸翟自內而祭為君之則

齊夏一章章四句

族夏之歌者族人酌之所奏也

洪源謀孕疏為江河大塊孰埏播為山阿厥流浩漾厥勢嗟峨今君之酌慰我實多

族夏二章章四句

祓夏之歌者賓出之所奏也

禮酒既酌嘉賓既厚饋為之奏禮酒既竭嘉賓既悅

應為之節禮酒既罄嘉賓既醒雅為之行禮應也賓

醉而出奏祓夏以此三器祭地為之行事也

祓夏三章章三句

鷩夏之歌者公出入之所奏也

桓桓其珪袞袞其衣出作二伯天子是毗桓桓其珪

袞袞其服入作三孤國人是福

鷩夏二章章四句

冬至日祀昊天圓丘樂章八首

魏徵 崔亮 虞世南等作

降神用豫和

上靈降命膺會昌盛德殷薦叶辰良景福降兮聖德

遠文化穆兮天歷長

皇帝行用太和

穆穆我后道應千齡登三處大得一居貞禮惟崇德

樂以和聲百神仰止天下文明

登歌奠玉帛用肅和

闔陽播氣甄曜垂明有赫圓干深仁曲成日麗蒼璧

煙開紫營聿遵虔享式降鴻禎

迎俎用雍和

欽惟大帝載仰皇穹始命田燭爰格郊宮雲門駮聽

雷鼓鳴空神其介祀景祚斯融

酌獻飲福用壽和

八音斯奏三獻畢陳寶祚惟永輝光日新

送文舞出迎武舞入用舒和

疊壁凝影皇壇路編珠流彩帝郊前已奏皇鍾歌大

呂遠符寶曆祚昌年

武舞作用凱安

昔在炎運終中華亂無象鄧郊赤鳥見邛山黑雲上
大賚下周車禁暴開殺網幽明同叶贊鼎祚齊天壤

送神用豫和

歌奏畢兮禮獻終六龍馭兮神將昇明德感兮非黍
稷降福簡兮祚休徵

開元樂章十九首

張說

肅九室諧八音歌皇慕動神心禮宿設樂妙尋聲明
格裸奠臨律迓氣音入玄依玉几御黼筵聆愾息
優周旋九韶遍百福傳信工祝永頌聲來祖考聽
和平相百辟貢九瀛神休委帝孝成

皇帝行太和之樂一章

時文聖后清廟肅雍致誠勤孝在貌思恭玉節四夏
金鉶五鍾繩繩雲步穆穆天容

酌瓊登歌肅和之樂一章

天子孝享工歌溥將躬裸鬱鬯乃藝管蕤臬以達陰
聲以求陽奉時蒸嘗永代不忘

迎祖雍和之樂二章

在滌嘉蓼麗碑敬牲角握之牲色純之駢火傳陽燧
水漑陰精太公胖姐傳說和羹齊戒豐潔祖豆有
馨亦有和羹既戒既平鼓鍾管磬肅唱和鳴皇皇后
祖來我思成

酌獻用文舞一章

聖謨九德真言五千歲集昌胄符開帝先高文仗鉞
克配彼天三宗握金六合煥然帝其永祀率禮罔愆
圖書霧出日月清懸舞形德類詠諡功傳黃龍蜿
綵雲踰遷五行氣順八佾風宣介此百福於皇萬年
宣皇帝室光大之舞一章

肅肅藝祖滄滄濬源有雄王劍作鎮金門文王餘緒
后稷謀孫肇禮九廟四海來尊

光皇帝室長發之舞一章

具禮崇德備樂承風魏推幢主周贈司空不行而至
無成有終神與王業天歸帝功

景皇帝室大政之舞一章

於赫元命權輿帝文天齊八柱地半三分宗廟觀德
笙鏞樂勳封唐之兆成天下君

元皇帝室大成之舞一章

帝舞季歷襲聖生昌后歌有媯胎炎孕皇天地合德
日月齊光肅雍孝享祚我萬方

高祖神堯皇帝室大明之舞一章

赤精亂德四海困窮黃旗舉義三靈會同旱望春雨
雲披大風溥天來祭高祖之功

太宗文武聖皇帝室崇德之舞一章

皇合一德廟宗百神削平天下大拯生民上帝配食
單于入臣戎歌陣舞曄曄震震

高宗天皇大帝室鈞天之舞一章

高皇邁道端拱無為化懷獯鬻兵戢白驪禮尊封禪
樂盛來儀合位媯后同稱伏羲

中宗孝和皇帝室文和之舞一章

退居江水鬱起丹陵禮物還舊朝典中興龍圖反及
駮命恭膺鳴球香瓊大禧是承

睿宗大聖真皇帝室景雲之舞一章

景雲霏爛告我帝符噫帝冲德與天為徒笙鏞遠遠
俎豆虛無春秋孝獻因復此都

皇帝受福酒昨福和之樂一章

備禮用樂崇親致尊誠通慈降敬徹愛存獻懷稱壽

擘感承恩皇帝孝德子孫千億大包天域長亘不極
送文舞迎武舞一章

六鍾翕協六變成八佾倘佯八風生樂九韶兮人神
咸美七德兮天地清

亞終獻武舞凱安之樂四章

迭彼瑤島亞維上公室如屏氣門不容躬禮殷其本
樂執其中聖皇所慕天地幽通 禮市三獻樂變九

成降禘軒陞仰歆皇情福與仁合德因孝明百年神
畏四海風行 總總千戚填填鼓鍾奮揚增氣坐作

為容離若鷲鳥合如戰龍萬方觀德肅肅雍雍 烈
祖順三靈文宗威四海黃鉞誅群盜朱旗掃多罪戢

兵天下安約法人心改大哉千羽意長見風雲在
撤豆登歌一章

止笙磬撤豆邊廓無響宵又玄主在室神在天情餘
慕禮周想嘉禾稷屢豐年

送神一章

奠還惟恍標虛駕結空想
如往休氣息迴風上返

祀朝日樂章三首

貞觀中作

登歌奠玉帛用肅和

惟聖格天惟明饗日帝郊肆類王宮戒吉珪奠春舒
鍾歌曉溢禮云克備斯文有秋

迎神用雍和

晨儀式薦明祀惟光神物愛止靈輝載陽玄端肅事
紫幄興祥福履攸假於昭令王

送文舞出迎武舞入用舒和

崇牙樹羽延調露旋宮扣律掩烝雲誕敷懿德昭神
武載集豐功表睿文

祀夕月樂章三首

貞觀中作

登歌奠玉帛用舒和

神妙為神通微曰聖坎祀貽則郊禋展敬璧薦登光
金歌動映以載嘉德以流曾慶

迎俎用雍和

肱晨爭舉天宗禮闕夜典涼秋陰明湛夕有齊斯旨
有牲斯碩穆穆其暉穰穰是積

送文舞出迎武舞入用豫和

合吹八風金奏動分容萬舞玉鞘驚辭昭茂典光前
烈夕曜成功表舊明

睿宗太極元年登黃地祇於方丘樂章一十一首

林鍾商

大樂和暢殷薦明神一降通感八變必臻有求斯應
無德不親降靈醉止休徵萬人

太簇角

盧從愿

坤元載物陽樂發生播殖資始品彙咸亨別俎蒸布
方壇砥平神歆禋祝后德惟明

沾洗徵

劉冕

大君出震有事郊禋齋戒既肅馨香畢陳樂和禮備
候暖風春恭惟降福實賴明神

南呂羽

韓休

於穆濬哲維清緝熙肅事昭配永言孝思滌濯靜嘉
馨香在茲神之聽之用受福釐

皇帝行用太和

黃鍾宮

王峻

於穆聖皇六葉重光太原刻頌后土疏揚寶鼎呈符
啟雲孕祥禮樂備矣降福穰穰

登歌奠玉帛用肅和

蕤賓均之

崔玄同

聿修嚴配展事禋宗祥符寶鼎禮備黃琮祝辭以信

明德惟聰介茲景福永永無窮

登俎用雍和黃鍾均之

賈魯

蠲我漸穢潔我骨節有豆孔碩為羞既臧至誠無味
精意惟芳神其醉止欣欣樂康

酌獻飲福用壽和

禮物斯具樂章乃陳誰其作主皇考聖真對越在天
聖明佑神有然汾上厚澤如春

送文舞出迎武舞入用舒和太簇何鸞

樂奏云闕禮章載慶禋宗于地昭嘏于天惟馨薦矣
既醉歌焉神之降福永永萬年

武舞用凱安黃鍾均之蔣擬

維歲之吉維辰之良聖君綏冕肅享壇場大禮已備
大樂斯張神其醉止降福無疆

送神用順和源光裕

方丘既膳嘉饗載謐齋敬畢誠陶匏貴貨秀篚豐羞
芳俎盈實永永福流其昇如日

露布類

破朱泚露布

于公異

尚書兵部臣聞春司生榮秋主殺伐若終始殺伐則
不能成歲功仁則順成暴則滅絕若一貫邪正則不
能建大中是故春秋序行則通元和而充氣母德刑
具舉則協王道而經彛倫亂由是除兵不可去堯舜
禹湯之德統元立極之君或制五兵或張九伐蓋欲
攘削姦寇保乂生靈補雍熙之未治佐聲教之不暨
有以然者抑實為何伏惟皇帝陛下溥博法於乾坤
貞明侔於日月陶埴六籍表正萬邦揚高祖太宗之
耿光奉肅宗代宗之丕烈自茶大前緒高居穆清率
土承有截之風懷生無不遂之物邊鄙或登干戈爰

設有征無戰許蔡侯首領之誅陸梁背誕淫原生財
腋之變逆賊未泚所以委身凶德假翻姦徒熒惑我
生人潛賊我神靈聚為起穢之物腥穢官闈散作句
始之姦字于躔次先皇懷柔河朔敷佑下人錄其率
化之績優以登賢之禮恩澤汪濊集凡庶之門名位
薰灼加闡華之質冀革桀鵞將副天和殊不知惡木
生穢拊之榮揆狗吠豢牢之主頃屬鑿輿順動郊圻
駐蹕而此乃嘯兇命醜阻兵安忍長戈指關流矢射
天穿高墉以亂牙毒王師以蠱尾罪踰羿浞惡貫梟
獍是以萬方憤怒九服囂騰思齒劔者投袂而興秉
淬刃者不期而會賊伺間豐陰貸兇謀既緩雷霆之
誅遂延屠刻之命臣是用祗承憲算恭行天討攝衣
登壇明君臣之大義馮牙饗社假神祇之幽贊以今
月二十五日總領師徒惠趨都邑略灞澹以揚旆瞰

苑園而下營土堡雲舒木棚林植養威蓄銳且殄兇
渠卧鼓偃旗猶輕小利賊初凌犯已略芟夷謂其氣
竭而來歸尚敢尸居而作固敵若可縱師多美為至
二十七日會諸將於中權召勝風於大旆未鼓而人
心粗厲先庚而軍令嚴嚴各懷報國之心爭淬伏讎
之刃臣知其可用遂此長驅五月二十八日寅時華
州鎮國軍節度使駱元光開州節度使兼御史大夫
尚可孤本軍副元帥都知兵馬使吳誥都虞候兼御
史大夫邢君牙京西行營都知兵馬使檢校刑部尚
書孟涉右廂兵馬使郭審全權文成神策行營商州
節度都虞候彭光俊等承命於牙旗之下分麾於轅
門之外將士等超乘賈勇免胄於行夾川陸而左旋
右抽拙丘陵而浸淫布漢絳塞宇宙氣雄鉦鼓陳兵
於光泰門外盡銳於神臺倉東接垣摧以成塵滋水

洞而為地左廣未離於萬壘前偏已交於賊鋒若降
於天如出於地賊將姚令言張雲等志懷慄殺言尚
憑凌作恣盡謀力則不及枯亂賊義氣如有餘勢同
而融衆若益集橫列堅陣穿達高岡猶張增證之鱗
更舉螳螂之臂衝前兵馬使丞御史大夫王仙知衙
兼刀斧將兼御史中丞史萬頃等自相約誓又合軍
聲指麾而龜兕作威威激而風雲動色連光登進擊
活入合攻七擒連發而星馳兩翼旁張而雲合霜刃
交光而霍燦鼙鼓騰聲而隱轉賊方土崩我方霆擊
乘其踣籍遂至於上蘭取彼鯨鯢直通於中禁段成
謀賊之心背既已生擒沈厚運賊之羽毛終制死命
故其係頸求活投戈乞降崩騰於莽蒼之間震懾於
挫麾之下臣以其雖染汚俗昔實平人推赤心以如
初數王化而如一姚令言等力扞王師退而後合惡

鳥將墜尚顧危巢妖狐就擒猶守舊穴自卯以及酉
來拒而復攻譙譙之聲山傾而河泄鼓聲之氣震闕
而雷馳屏翳發向敵之風回祿扇燎原之焰焉逸未
止士怒未舒既自北而徂南竟輿尸而折首又使決
勝軍節度使工部尚書唐良臣右軍兵馬使御史大
夫趙光誠義武軍兵馬使楊萬榮左步軍使孟日華
馬軍將田子奇霍去歲郝甄華州左廂兵馬使馬英
右先鋒兵馬使董珙神策商州節度兵馬使賈榘金
右部虞候張望都等領馬步為副勢均破浪攻甚決
河鮮其恃武庫之五兵憑官垣之萬雉及茲翦滅纔
欲乘凌曾之鑄刃之鋒已失藩籬之固遂生擒偽署
侍郎董秦中書侍郎平章事蔣鎮右僕射平章事張
光兵馬使李希倩等逆賊朱泚與同惡姚令言張芝
等輕騎走出臣已遣兵馬使田子奇追躡計即誅夷

臣竊以此賊包藏逆謀參會凶德殺氣其氣豺武其
心首先皇亭育之恩傷陛下玄默之化漢之莽卓未
有如此之大者也或者上天之意申傲於巨唐中興
之期光啓於陛下不然何王師奮發勢無駐於建德
醜類搶攘功有輕於折筆猶近密網尚返隻輪誠當
盡敵之時更發追亡之騎且務分體未即燃膺快億
兆之歡心蕩宗社之深恥即當梟戮用申刑典今已
肅清宮禁修謁寢園鍾簾不務廟貌如故蓋宸極之
所垂象列聖之所雄都神扶業業之傾天降穰穰之
福不然豈免於毀圯之患崩剝之虞者哉此皆上天
降鑒睿慮旁施制兵要於爭先規雄圖於穀內再造
可封之俗固橐不戰之功左武右文銷鋒鑄鎔澹乎
華胥之夢熙然萬天之風臣謬寄台司幸蒙統帥之
吉甫之文武侯都毅之詩書此皆諸將將心群帥宣

力非臣庸績敢自矜大不勝慶快之極謹差某官奉
露布以聞

押至 止 高利可汗露布

王元之

尚書兵部臣聞周征徽猷長駟北伐之師漢討匈奴
用絕南牧之患惟帝王之耀武亦令古之長風我國
家乘五運以膺圖順三靈而改卜義旗方舉乃民喧
桃李之歌神武惟揚四海絕蘆蒲之盜建德尋膏於
搃錯世充俄繫於梃囚武關則瓦解以無遺黑驢乃
土崩而自盡杜伏威蜂屯江表東手來降徐圓即鼠
竊山東連頸受戮蕭銑之兵銷嶺外薛舉之電掃隴
川民心於是悅隨王業以之大定唯茲左袵滯我休
戈頡利豺狼其心腥膻異類信天地之偏氣為聲教
之外臣前王忍含育之恩歷代患羈縻之術和之則

防如蛇豕違背歡盟攻之則遁若犬羊疲勞師旅我
高祖以洪基肇創黔首未安慮王化之不敷捨鬼方
而弗顧給以稱臣之禮加其厚往之儀持神鋒而方
俟斬鯨豢良犬而未遑願鬼謀臣爲之切齒壯士爲
之衝冠天威以戰於雷霆醜類逾滋於蜂蠆伏惟陛
下經綸草昧掃蕩攬搶出震宮而日麗九天廓皇道
而風行八表痛心疾首長思渭水之侵繕甲理兵特
問鐵山之罪而又侵陵王土搔動邊民稔惡貫以既
盈奉天誅而無赦臣等祖征授鉞仗義平戎執乎彼
曲之辭乘以我盈之勢鼓擊動地三春掀蟄震之雷
戈甲連雲千里散龍蛇之雷指陰山而直入越馬邑
以兼程康蕙密應變知幾先來頴附蕭皇后離邦去
里再見京師頡利有此敗亡方來朝謁穿中餓虎暫
爲掉尾之情蕃上飢鷹終有背人之意臣與副將張
某等知其猶豫恐恣猖狂遂乘無備之時爰作襲人
之計晉三旬之路食擁一萬之精兵火炎而立見燎
毛燬疾而寧容掩耳斬俘馘於萬段虜羊犬以千羣
頡利生擒義城斷首尽復恒安之地永清大漠之塵
韋韞毳幕之人從茲率服鐵衽金之士將見凱旋
臣等職忝專行材非善戰負賴自天之祐敢言破虜
之功迺荷皇威不辜閩外之寄咸知睿算自駢堂上
之兵竹見興耒耜於沙場戢干戈於武庫憧憧夷貊
長傾奉日之心寂寂邊城水罷防秋之役臣等無任
樂聖戴天忭舞歡呼之至

